



Акафист

святителю Иннокентию,

епископу Иркутскому,

чудотворцу

Кондак 1

Равноапостольный христианския веры
благовестниче, языческаго зловерия
искоренителю, скорый в бедах и скорбех
заступниче, благоутробия неистощимое
сокровище, святителю отче Иннокентие!
Великаго тя пред Господем ходатая и чудес
множеством свидетельствованна помощника
имуща, к тебе во обстоянии от всяких нужд и
зол с верою и любовию притекаем, и тако ти
зовем:

Радуйся, Иннокентие, святой угодниче Спаса
Христа.

Икос 1

Ангелом уподобился еси непорочным житием,
святителю отче Иннокентие, и сего ради ангелов

соприча́стия сподо́бился еси́ в немол́чном славосло́вии Го́спода Сла́вы. Приими́ убо и от на́ших недосто́йных усте́н приноси́мое тебе́ хвалéние:

Ра́дуйся, по и́мени тво́ему, непоро́чность зна́менующему, яви́вый жити́е тво́е.

Ра́дуйся, непоро́чности сохранéнием, а́нгелов жити́ю подража́тель бы́вый.

Ра́дуйся, ве́рный Христо́ва Ева́нгелиа служите́лю.

Ра́дуйся, архиере́ев удобре́ние.

Ра́дуйся, Це́ркве, невесты́ Христо́вы, драго́е украше́ние.

Ра́дуйся, свя́тости жити́я и непоро́чности нра́вов учи́телю.

Ра́дуйся, Иннокéнтие, святы́й уго́днице Спа́са Христа́.

Конда́к 2

Ви́дя Госпо́дь Бо́г благопотре́бен тя́ сосу́д ко прия́тию даро́в благода́ти, оби́льно излия́ в тво́е се́рдце ду́ха премудрости́ и ра́зума, во е́же просвещати́ язы́ки, во тме́ и сени́ сме́ртней сидя́щия, ду́ха сове́та и кре́пости, во е́же превозмога́ти над враги́ спасéния ви́димыми и

невидимыми, дѹха вѣденія и благочестія, во еже Христо́во стадо пасти́ учением и жити́ем. Мы́ же, тя́ на спасѣние лю́дѣй тако приуготованна уразумѣвше, со умилѣнием Подателю́ всѣхъ благъ Бо́гу зовѣм: Аллилу́иа.

И́кос 2

Разумъ благопотре́бен к дѣланию прѣятыхъ от Бо́га талантовъ стяжати хотѣя, ещѣ ю́н сый, водворѣлся еси́ в вертоградѣ духовныя мѹдрости пресла́внаго гра́да Кіе́ва: соверше́н же в жити́и хотѣ́ быти, сожитѣльство восприя́л еси́ в лице́ иноковъ Святопечѣ́рския ла́вры, иде́же дости́гл еси́ в мѹжа соверше́нна, в мѣру во́зраста исполне́ннїа Христо́ва. Мы́ же, твоѣ́ званіе и избра́нїе разсмотримъ, с любо́вию зовѣмъ ти́:

Ра́дуйся, розго́ винограда, пло́довъ дѹха исполненна́я, да ихъ обѣлиемъ страны́ Сиби́ри обогати́ши.

Ра́дуйся, сладкоуханны́й крѣ́не Госпо́день, на Ю́зе процветѣ́й, да те́м страны́ Се́вера облагоуха́еши и украси́ши.

Ра́дуйся, в земне́м училищи́ небѣ́сней мѹдрости навѣ́кши́й, да е́ю язы́ки на пѹть спасѣ́нїа наста́виши.

Ра́дуйся, я́ко на вы́соту́ добродéтелей, а́ки свети́льник на све́щнице, поста́влен бы́л еси́, да мгла́ неподóбнаго жити́я во изгна́нии су́щих разго́ниши.

Ра́дуйся, ве́рный учени́че Спа́са на́шего, во апо́стола язы́ков предъизбра́нный.

Ра́дуйся, ча́до послушли́вое Це́ркве Правосла́вныя, в первосвяты́теля Ирку́тския па́ствы прона́реченный.

Ра́дуйся, Иннокéнтие, святы́й уго́днице Спа́са Христа́.

Конда́к 3

Си́лою свы́ше ты́ облече́нна уразуме́вше благове́рный ца́рь и святы́й Собо́р избра́ша ты́ во апо́стольское служе́ние, пропове́дати Ева́нгелие Ца́рства Христо́ва в земли́ язы́ков, неве́дущих пéти во Святе́й Тро́ице еди́ному Бо́гу: Аллилу́иа.

И́кос 3

Име́я ре́вность апо́стольскую о спасе́нии ду́ш челове́ческих, подвиѓлся еси́ на вся́ труды́ и бе́ды шéствия в да́льныя страны́ ца́рства хи́нов: но воспя́щен бы́в в преде́лы его́ вни́ти, во гра́де Селенги́нстем препо́кое́ние обре́л еси́, иде́же ты́

мáлое стадо прísных тí по вéре привéтствии
срéте сими:

Рáдуйся, нóвый апóстоле, на просвещéние
язы́ков мно́гие страны́ претéкший.

Рáдуйся, в шéствиих пúтных, я́коже и Пáвел,
язы́ков апóстол, беды́ Христа́ ра́ди и Евáнгелиа
бо́дре срéтивый.

Рáдуйся, лучезáрное Цéркве Христо́вы
свети́ло, на просвещéние восто́ка возше́дшее.

Рáдуйся, божéственного́ огня́ носи́ло, теплоту́
любвé Христо́вы во страны́ мрáза принéсшее.

Рáдуйся, дúхом ре́вности апóсто́льския
двúжимый, ко язы́ком Монго́льским
поспешивый.

Рáдуйся, во изгна́нии стра́ждущим поко́й
душáм в слéдовании благо́му игу́ Христо́ву
указа́вый.

Рáдуйся, Иннокéнтие, святы́й уго́днице Спа́са
Христа́.

Конда́к 4

Бу́рю зависти дрéвний челове́ческих ду́ш
прельсти́тель воздвúже в сердца́х хи́нов
сопроти́в тебе́, во страну́ их грядúщаго,
благове́стника ми́ра Христо́ва, и возста́ви на тя́

лжебратию, во еже в пределы хинов твоё
возбранити вхождение, да не навьикнут хинове,
вкупе с православными, изведшему люди из
тмы во свет свой чудный Христу Богу пети:
Аллилуиа.

Икос 4

Услышав ухищренныя хинов глаголы, яко не
подобает ти, иерарху великому Господа, быти
прияту в их царство, обратися еси паки со
Евангелием ко языком инородным во стране
Сибирстей, иже с велию радостию тя приемше,
возопиша ти таковая:

Радуйся, хинами во их царство не приятый,
ко приятию же самими ангелы в Небесное
Царство достойный.

Радуйся, не роду чуждему хинов, но своего
царства языком Монгольским во апостола
уготованный.

Радуйся, яко возбранением тебе благовестия
языком царства чуждаго велие благо языком
Российскаго царства устроися.

Радуйся, яко проповедию Евангелиа языком
Монгольским злоухищрение врага душ
человеческих жестоко посрамися.

Ра́дуйся, я́ко твои́м посреде́ нас вселе́нием неведе́ущи Бо́га в позна́ние и́стины приведе́шася, противля́ющися же и́стине обличи́шася.

Ра́дуйся, я́ко на жити́е тво́е взира́юще, гре́шнии пока́яшася, беззакон́нии же уцелому́дришася.

Ра́дуйся, Иннокенти́е, святы́й уго́днице Спа́са Христа́.

Конда́к 5

Богото́чный премудро́сти исто́чник от оби́лия прису́щия ти́ благода́ти протор́жеся в пусты́ни Монго́льстей, егда́ неразу́мнии хи́нове загради́ша то́ки ея́ в преде́лы их омраче́ннаго ца́рства: ре́вностию бо апо́стольскою дви́жимь и во служе́нии па́стырstem тружда́яся, ово́ просвещал еси́ све́том Ева́нгелиа Христо́ва неверу́ющыя язы́ки монго́льски, ово́ утвержда́л еси́ веру́ющыя в послуша́нии Правосла́вныя Це́ркве уста́вом; и тако́ научи́л еси́ и сих и о́них вку́пе воспева́ти Еди́ному все́х челове́ков Спаси́телю Бо́гу: Аллилу́иа.

И́кос 5

Ви́дя Вседержи́тель, вся́ на по́льзу стро́яй, я́ко не приспе́ вре́мя, да просветя́тся све́том

Ева́нгелиа лю́дие ца́рства хи́нскаго, дарова́ тя в
первосвяты́теля Ирку́тския Цѣркве и учи́теля
язы́ков Сиби́ри, е́же мы́ ны́не ра́достно
воспомина́юще, си́це зове́м ти́:

Ра́дуйся, первопресто́льниче Ирку́тския
Цѣркве, благове́стием Сиби́рскую о́бласть
Росси́йскаго ца́рства огласи́вый.

Ра́дуйся, свято́е нача́ло святите́лей Ирку́тския
па́ствы, про́чым пременя́емым, еди́ный ея́
несме́нный блюсти́телю.

Ра́дуйся, о́тче, святы́х о́тец в насажде́нии
благоче́стия и искорене́нии нече́стия
подража́телю.

Ра́дуйся, па́стырскому служе́нию
уготовля́емых трудолю́бивый учи́телю.

Ра́дуйся, па́стырю до́брый, гото́вый ду́шу
твою́ положи́ти за о́вцы твоя́.

Ра́дуйся, неусы́пный стра́же, ввѣренныя ти́
ду́шы, бде́нным молѣ́нием и пу́тным
обхожде́нием, до́бре сохрани́вый.

Ра́дуйся, Иннокѣ́нтие, святы́й уго́дниче Спа́са
Христа́.

Кондак 6

Богопроповедников Христовых апостолов труды на ся подъем, оных наследовал еси подвиги и лишения, скорби и озлобления: но вся ради Христа и Евангелиа доблественно понесл еси, и вся ны, не точию благодушствующия, но и скорбящия, научил еси пети Богу: Аллилуиа.

Икос 6

Воссияла есть паче солнца, во огни искушений и скорбей очищенная, душа твоя, доблественный подвижник Христов: аще бо в немощех и болезнях претруждено быше тело твое, но духом присно сый бодр, выну побеждал еси враги Христовы Церкви. Сего ради и мы, тобою в скорбех утешаемы, победная ти сице вопием:

Радуйся, воине Христов, во всеоружии Божии противу начал и властей и миродержителей тмы века сего подвизавыйся.

Радуйся, истиною аки поясом препоясанный, языков шатания разрушивый.

Радуйся, правдою аки в броня оболченный, вся наветник клеветы недейственны сотворивый

Ра́дуйся, но́зе во благовествова́ние ми́ра
обуве́нне имéвый, главу́ дрéвняго зми́я
попра́вый.

Ра́дуйся, ве́рою áки щито́м покрове́нный, вся́
разжже́нныя лука́ваго стрéлы угаси́вый.

Ра́дуйся, шле́м спасе́ния и ме́ч духо́вный
восприя́вый, и вся́ враги́, áки воево́да
возбра́нный, низложи́вый.

Ра́дуйся, Иннокéнтие, святы́й уго́днице Спа́са
Христа́.

Кондак 7

Хотя́й милосе́рдый Госпо́дь не то́чию па́стве
Ирку́тстей, но и вся́кому бли́жнему же и
да́льному тя́ дарова́ти в ско́рбех утеше́теля, в
беда́х ско́раго помо́щника и от боле́зней
целите́ля, ускори́ тя́ разрешити́ от у́з сея́
бре́нныя плóти, да по все́м градо́м и ве́сем
чудесы́ и исцелёньми Бо́га просла́виши и вся́
Ему́ воздви́гнеши пе́ти: Аллилу́иа.

Икос 7

К но́вому и нестарéющемуся на небесе́х
жи́тельству уготовля́я тво́й восхо́д, писани́ем со
одра́ боле́зни все́мире́нно проси́л еси́ иере́и
гра́да Ирку́тска со христиа́ны правосла́вными,

да воспо́ют во хра́мех Богоро́дице паракли́сис: мы́ же, зря́ще тя́ по преста́влении просла́влена Бо́гом, к тебе́ само́му си́це взыва́ем:

Ра́дуйся, ратоборче Христо́в, по́двигом до́брым подвиза́вайся.

Ра́дуйся, бы́стротеку́щий орле́, течéние твоё в превы́спренних селéниях сконча́вай.

Ра́дуйся, во́ине Царя́ Небéснаго, вся́ обéты Христу́ Царю́ и Бо́гу на́шему ве́рно соблюди́й.

Ра́дуйся, я́ко проче́е уже́ вене́ц пра́вды тебе́ соблюде́ся.

Ра́дуйся, по преселéнии во оби́тели Отца́ Небéснаго не оставля́й посещáти на́ш град и оби́тель сию́.

Ра́дуйся, тёплый о нас моли́твенниче, не престаю́щ о нас у Престо́ла Царя́ Небéснаго ходата́йствовати.

Ра́дуйся, Иннокéнтие, святы́й уго́днице Спа́са Христа́.

Конда́к 8

Стра́нное все́м чу́до показáся, егда́ древя́ная це́рковь, под ея́же олтарём почи́вал еси́ от трудо́в сего́ вре́меннаго жити́я, посреде́ всея́ оби́тели запале́ния, я́ко дрéвняя купи́на, огнём

опаляема не стараше. Чтущии же память твою, яже уразумевше, яко твоих ради мощей совершается сие чудо, со страхом и радостию, хранящему тя Богу, множицею зываху: Аллилуиа.

Икос 8

Вси людие, притекшии во обитель твою и церковь, в нейже почиваху мочи твоя, огнем опаляему видяще, приступивше ко архипастырю, тепле его молаху, да изнесут раку святых мощей твоих: он же, духом веры исполнь, надеждею сохранения от огня не точию мощей твоих, но и всея церкви, всех ободряше. Людие же, сбытие словес архипастыря абие узревше, благодарными ти гласы, чудотворче, возваша:

Радуйся, светильниче Церкви, из-под спуда паче блистания огненнаго возсиявый.

Радуйся, несгаранием хранилища мощей твоих, о нетлении их преславно провозвестивый.

Радуйся, таковым знамением о твоём с нами сопребывании удостоверивый.

Радуйся, церкви сохранением, в тебе от бед заступника нам открывый.

Ра́дуйся, и гра́да на́шего, посреде́ запале́ний
о́гненных, мно́гажды удо́боразумева́емый
храните́лю.

Ра́дуйся, наипа́че о изба́влении на́с от огня́
ге́енскаго прі́сный на́ш пред Го́сподем ходата́ю.

Ра́дуйся, Иннокéнтие, святы́й уго́днице Спа́са
Христа́.

Конда́к 9

Вси́ ли́цы а́нгелов да́ша сла́ву, че́сть и
благодарéние Седя́щему на Престо́ле, живу́щему
во ве́ки веко́в Бо́гу и А́гнцу, егда́, убелéнная
свѣтлостію непоро́чности, душа́ твоя́, святите́лю
Христов́ Иннокéнтие, вознесéся на не́бо, в
сожительство а́нгелов. Мы́ же, прославлéнием на
земли́ святы́х мо́щей твои́х увéрившеся о твое́й
на небесе́х сла́ве, с весе́лием просла́вльшему тя́
Бо́гу прі́сно взыва́ем пѣснь: Аллилу́иа.

И́кос 9

Ветія́м любому́дрым на се́рдце не взыдо́ша,
я́же ти́, Христов́ уго́днице, уго́това Госпо́дь во
обителе́х небесных. Мы́ же, прáзднующе твое́ на
небеси́ прославлéние, си́це ты́ на земли́
ублажа́юще зове́м:

Ра́дуйся, мно́гу на небесе́х, многообра́знаго ра́ди на землі́ служе́ния, мзду́ восприе́мый.

Ра́дуйся, де́вственниче, в пе́рвенцы Бо́гу и А́гнцу впи́санный.

Ра́дуйся, страда́льче, вку́пе со прише́дшими от ско́рби ве́лия, в ри́зах бе́лых пред престо́лом спасе́ние и сла́ву воспева́яй.

Ра́дуйся, апо́столе язы́ков, престо́лом апо́стольским на небеси́ почте́нный.

Ра́дуйся, па́стырю научи́вый и сотвори́вый, и сего́ ра́ди ве́лиим во Ца́рствии Небе́снем от Христа́ нарече́нный.

Ра́дуйся, воево́до возбу́ренный, соседе́ния Победи́телю а́да и сме́рти на престо́ле сподо́бивыйся.

Ра́дуйся, Иннокенти́е, святы́й уго́днице Спа́са Христа́.

Конда́к 10

Спасе́ния посреде́ земли́ соде́лавый, Человеколю́бец Госпо́дь посети́ страну́ Сиби́рскую свое́ю ми́лостию и щедро́тами: в ра́це бо моще́й твои́х, вели́кий уго́днице Христов, откры́л е́сть на́м зна́мение твоего́ те́плаго о на́с на небеси́ ходата́йства, его́же

сподобляеми всі благовернии людіе страны Сибірскія, едиными усты и сердцем поют Богу: Аллилуиа.

Икос 10

Стена еси неборимая, заступниче наш, граду и стране сей от нахождений всяких зол и скорбей: явлением бо чудес твоих уверимся, яко велие стяжал еси дерзновение у Господа. Сего ради сице зовем ти:

Радуйся, страны Сибірскія богодарованный хранителю и заступниче, ходатаю и помощниче.

Радуйся, яко вкупе со ангелы послан еси во служение за хотящих наследовати спасение, и всем страждущим неоскудное подаеши утешение.

Радуйся, драгоценное нам в раце мощей твоих наследие оставивый.

Радуйся, яко во обители Вознесенстей всех притекающих к тебе сретаети с любовью.

Радуйся, и на всяком месте тя с верою призывающим скорый помощник являйся.

Радуйся, и не ищущим тя, ниже ведущим, яко добрый наставник, врач же и покровитель многажды познаваемый.

Ра́дуйся, Иннокéнтие, святы́й уго́днице Спа́са Христа́.

Конда́к 11

Пе́ние вся́кое не довлéет к прославлéнию чудéс твои́х, чудотво́рче предивный, и́миже не то́чию ве́рныя, но и неверны́я удивля́еши: ве́руем же и наде́емся, я́ко твои́ми моли́твами и во мра́це идолослужéния сущи́и из тмы́ и сéни смéртныя изы́дут и с на́ми купно просла́вьшему́ тя Бо́гу воззову́т: Аллилу́иа.

И́кос 11

Свети́льник не поставя́ется под спúдом, но на све́щник возлага́ется, да входя́щие видят свéт: сегó ради и твоя́ святы́я мо́щи изведе́ изпод спúда Господь, я́ко да входя́щие во обитель твою́, от сегó чу́днаго свéта ве́рою просвещáеми и исцелéния от тебе́ приéмлюще, взывáем к тебе́ си́це:

Ра́дуйся, наста́вниче премудры́й, мы́сли бла́ги и хотéния свята́ на сéрдце полага́й.

Ра́дуйся, вождю́ благонаде́жный, на пúть спасéния направля́й.

Ра́дуйся, пред Престо́лом Царя́ Небéснаго о спасéнии ду́ш на́ших ходата́йствуяй.

Ра́дуйся, ско́рый помо́щниче, от нахожде́ния
зо́л и скорбе́й сохра́няй.

Ра́дуйся, врачу́ сострада́тельный, от боле́зней
душе́вных же и теле́сных свобо́ждай.

Ра́дуйся, оста́вленных врачми́ от одра́ сме́рти
воздвиза́й.

Ра́дуйся, Иннокенти́е, святы́й уго́дниче Спа́са
Христа́.

Конда́к 12

Благода́тию Бо́жиею испо́лнена тя позна́вше
не то́чию близ су́щии, но и во страна́х да́льных
обита́ющии, с ве́рою притека́ют к ра́це моще́й
твои́х: ты́ же, вне́мля их моле́нием, не преста́ни
напу́тствовати все́х да́ры исцеле́ний и чуде́с
твои́х, да от восто́к со́лнца до запа́д все́ воспою́т
чудоде́йствующему Бо́гу: Аллилу́иа.

И́кос 12

Пою́ще чуде́са твоя́, и́миже по преста́влении,
па́че же по обрете́нии святы́х моще́й твои́х, Бо́га
просла́вил еси́, благода́рно тебе́ си́це зове́м:

Ра́дуйся, жи́лами разсла́бленныя со одра́
боле́зни возста́вивый.

Ра́дуйся, сокруше́нием но́г и ру́к
стражда́ющыя, а́ки николи́же страда́вшыя
устро́ивый.

Ра́дуйся, стру́пами покрýтыя и ра́нами
уязвленныя це́лы и здра́вы соде́лавый.

Ра́дуйся, зрѣние слепы́м возврати́вый и
изумле́нныя на здра́вый смы́сл наста́вивый.

Ра́дуйся, во отча́янии живота́ к сме́рти
уготовля́емыя к жи́зни па́ки возврати́вый.

Ра́дуйся, ни еди́ней же болѣ́зни ко исцелѣ́нию
тебе́ бы́ти неудобне́й, чуде́с мно́жеством
засвидѣ́тельствова́вый.

Ра́дуйся, Иннокѣ́нтие, святы́й уго́днице Спа́са
Христа́.

Конда́к 13

О вели́кий Христо́в уго́днице, ми́лостивый
на́ш наста́вниче, благоутро́бия сокро́вище,
правове́рия учи́телю, архиере́ев похва́ло,
безпомощных засту́пниче, о́тче на́ш Иннокѣ́нтие!
Моли́ Христа́ Бо́га, да сподо́бит на́с земно́е
по́прище без поро́ка прейти́ и егда́, я́ко
Пра́ведный Судия́, со а́нгелы свои́ми во сла́ве
приидет суди́ти живых и ме́ртвых, да не отлучи́т
на́с от со́нма спаса́емых, но да сотвори́т на́с

прича́стники Ца́рства Небе́снаго, во е́же та́мо вку́пе с тобо́ю, отце́м на́шим, вы́ину сла́вити его́ и воспева́ти Ему́ со Отце́м и Святы́м Ду́хом во ве́ки веко́в: Аллилу́иа.

Этот конда́к чита́ется три́жды, зате́м и́кос 1-й и конда́к 1-й.

Моли́тва 1

О вели́кий Христов угодниче, святите́лю отче Иннокенти́е! Услы́ши нас, тебе́ моля́щихся. Ты ве́си на́ша ско́рби и недуги, слы́шиши воздыха́ния мно́жества к тебе́ притека́ющих; сего́ ра́ди к тебе́, я́ко отцу́ на́шему, ско́рому помо́щнику и те́плому моли́твеннику, зове́м: не оста́ви нас твои́м у Бо́га ходата́йством. Мы́ при́сно заблужда́емся от пути́ спасе́ния — руководи́ нас, ми́лостивый на́ш наста́вниче. Мы́ немощни́и в ве́ре — утверди́ нас, правове́рия учи́телю. Мы́ зело́ убо́зи сотвори́хомся до́брых де́л — обогати́ нас, благоутро́бия сокрови́ще. Мы́ при́сно наве́туеми есмы́ от враг ви́димых и неви́димых и озлобля́еми — помози́ нам, беспомо́щных засту́пниче. Гне́в Бо́жий, пра́ведно дви́жимый на ны́ за беззако́ния на́ша, отврати́ от нас твои́м ходата́йством у Престо́ла Судии́ Бо́га, Ему́же ты́ предстои́ши на небеси́,

о́тче иерарше, архиере́ев похва́ло. Услы́ши, мо́лим тя, вели́кий Христо́в уго́днице, и зде́ с моле́нием тебе́ предстоя́щя, и вся́, на вся́ком ме́сте тебе́ с ве́рою призы́вающя: и испроси́ моли́твами твои́ми у Отца́ Небе́снаго все́м на́м проще́ние грехо́в на́ших и от бе́д изба́вление. Ты́ бо еси́ свиде́тельствова́нный безчи́сленными чуде́сы помо́щник, засту́пник и моли́твенник, и о тебе́ сла́ву возсыла́ем Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь.

Моли́тва 2

Свя́тче Бо́жий, па́стырю до́брый, де́лателью ве́рный виногра́да Христо́ва, свя́тителю о́тче Иннокенти́е! Призри на гра́д се́й и на лю́ди сия́! Моли́ Христа́ Бо́га, да сохра́нит па́ству твою́ от волко́в, губя́щих ю́; да ниспо́слет Ду́ха Своего́ Свята́го во е́же умудри́ти на́с ходи́ти пред Ни́м во вся́ком благоче́стии и чистоте́ во вся́ дни́ живота́ на́шего, да славосло́вяще И́мя Его́ Всесвято́е во дни́ и в но́щи, сподо́бимся бы́ти насле́дницы́ жи́зни ве́чныя, и просла́вим Отца́, и Сы́на, и Свята́го Ду́ха, ны́не и прісно и во ве́ки веко́в. Ами́нь.